

մծե.

Ընդ սառաֆողու Սարգիս Վարդապետին չկարացաք խօսիլ, զի նա ի պալատու եկեղեցին է ի Խ.օրեայ քարոզութեան. և բարի համբաւ նորա հնչէ ընդ ամենեցուն բերանս: (Ն. Իզն. առ Մեղզոնեան, 1760 մարտի 19. ի Կոստանդինուպոլիս):

մծգ.

Ի վեննա մեծ պատրաստութիւն գոյ հարսանեաց որդւոյ թագուհւոյն. և աստի անտի դրամս ժողովէ թագուհին ի ծախ հարսանեաց. 8000 մարչիլ մաճառաց երկիրն պարտի տալ. 2000 արտիալ: Բայց այժմ լուաք թէ մեծ յաղթութիւն արարեալ է ճէնոալ Լաւտօն վարատինցի, զի հարեալ ընդ 16000ի, զբազումս սպանեալ, և զբազումս ի գերի վարե[ա]լ. միայն 600 ճողպարեալ են. կալեալ են և զմեծ ճէնոալն Ֆօզէդ, և զայլ փոքր ճէնոալս պառչի: (Ն. Թադէոս վրդ. առ Մեղզոնեան, 1760 յուլիս 4. [Եղիսաբերոշպոլիս?]):

մծե.

Թագաւոր քաղաքիս՝ ոչ գիտեմ որպէս զօրացոյց մեր տեսեալ՝ ետ թարգմանել ի տաճկական լեզու, և զի նոքա մինչէճիմի, կամ ասացից էփիմէրիտէսի բանից մայիլ են. կարծեալ է, թէ այնպիսի ինչ իցէ, բայց յորժամ ոչ է գտեալ ի նմա զնորբելին իւր, ասացեալ է. Լաւ է ըստ հաշուին լուսնին. բայց յայլ բանս օտարոտի իմն զրոյցս բարբառի: (Ն. Զարարիս առ Մեղզոնեան, 1760 Օգոստ. 19. [Կ. Պոլիս]):

մծը.

Ընդ աւուրս ընդ այնոսիկ սկսաւ այսր անդր տարածանիլ ժանտ ախտն, և այլ պէսպէս ցաւք բազմացեալ ի քաղաքիս զօրանան օր ըստ օրէ: Մանաւանդ տուրեառութիւն ոսկերչաց, և ակնագործաց ի շուկային գրեթէ ամենեին դադարեալ է, և ամենեքեան ի վարանս տարակուսանաց շուարեալ կան և ոչ գիտեն թէ զինչ արասցեն...: Եւ լուաք վասն միոյ ուրումն նախարարի, որ ի կողմանս փոքուն ասիոյ, թէ բազում զօրօք վտարանջեալ կամիցի զալ ի կողմանս յայտոսիկ, իսկ այժմ լուութիւն է վասն նորա. քանզի կարծեմ թէ հաճեցին աստի զմիտս նորա. և դարձաւ զնաց, ուր և երթալոց էր...: Վասն աւերման և կործանման տրապիզոն քաղաքին գրեցի միանգամ, և այժմ զնոյն գրեմ, թէ նա գրեթէ ի սպառ կործանեցաւ վասն երկպառակութեան զօրացն, որ ի ներքս ի բերդն և որ արտաքս, որպէս պատմեցին քաղաքացիք նորա. նոյնպէս սկսեալ է աւերութիւն և ի կողմանս կիւմիւշխանայի: (Ն. Իզն. առ Մեղզոնեան, 1760 Օգոստ. 19. ի Կոստանդինուպոլիս):

մծթ.

Վասն գրքոյ Զոփսեպոսի Փլափիանոսի երբայեցւոյն գրեցի առ գերլարգելին վասն տպագրութեան, զոր ոմն ի մեծ վաճառականաց ծախիք իւրովք կամի տպել. և 9500 յայնց վախըք արար

1. Մասաֆա Գ.: